

Segun Hefe di Departamento di Naturalizacion:

DINA lo asistencia tecnico for di Hulanda pa haci e proceso di naturalizacion mas lihe

Entre 2004 y 2005 DINA a manda 340 peticion pa Hulanda

ORANJESTAD (AAN)— Diabierna mainta, DIARIO a tuma contacto cu Sr. Dario Soemers, Hefe di e Departamento di Naturalizacion di DINA pa papia cune riba e topico cu den e dianan aki hopi hende a trece dilanti na mesa di redaccion di DIARIO, esta naturalizacion.

Manera DIARIO a trece dilanti caba, den e dianan aki, DIARIO a haya varios reaccion di ciudadanonan cu a keha pa motibo di e atraso cu ta tumando lugar pa basta aña na DINA pa loke ta trata e proceso di naturalizacion.

Tin personanan cu a bisa cu te hasta nan tin siete aña wardando riba nan naturalizacion, mientras cu otro nan a indica cu tres aña a pasa y nan no a worde yama ni sikiera pa un entrevista.

Semper ta bon pa tende e dos banda di e medaya, pesey DIARIO a entrevista Sr. Soemers, kende amablemente a ricibi nos, pero a señala cu na e momentonan aki, su PR ta bezig trahando un comunicado di prensa caminda nan lo amplia riba e situacion cu ta tumando lugar cu e proceso aki.

ULTIMO DATONAN:

E hefe di e departamento aki, si a expresa pa DIARIO cu entre 2004 y 2005, DINA a manda 340 peticion di naturalizacion pa Hulanda, cual ainda ta pega ayanan.

Banda di esaki a informa cu



Diabierna cu a pasa, nan a entrega 130 carta di naturalizacion na diferente persona, cantidad cu ta bira 500 (na promedio), si ta tuma na cuenta e datonan for di Juni 2004.

ASISTENCIA TECNICO FOR DI HULANDA:

Soemers a laga sa cu actualmente DINA ta bezig pa haya un tipo di asistencia

tecnico for di Hulanda, caminda un experto lo bin especialmente pa traha den e tramitanan aki y kende lo tin e autoridad pa dicidi riba un peticion akinan na Aruba mes.

Despues cu e persona aki mes ta aproba un solicitud, DINA lo manda esaki electronicamente pa Hulanda, pero ya aproba, locual lo haci e tramite mas lihe.

DOCUMENTONAN CADUCA: Efecto "boomerang"

Na otro banda, Sr. Dario Soemers a señala cu un aspecto cu ta hunga un rol importante den e atraso aki ta e cantidad di solicitudnan cu ta ser manda back pa Aruba pa motibo cu algun di e papelnan a caduca.

A subraya cu e documentonan cu ta presenta e problema aki ta esun di conducta y esun di censo, cualnan no mester ta mas bieu

cu seis luna. E otro nan cu ta ser pidi manera esun di nacimiento y estado civil no tin problema cu e tempo di validez, ya cu esakinan a worde certifica na e pais di procedencia di e solicitante. Tambe, e hefe di e Departamento di Naturalizacion a enfatiza cu tin casonan caminda mester di actualiza e papelnan di algun persona, por ehemplo ora cu un permiso di estadia a caduca, pero ora cu nan ta yama e persona concerni, esaki a cambia di adres sin notifica nan, locual ta haci cu e tramite ta keda pega mas ainda. Segun Soemers, esaki ta un procedimiento "boomerang".

Actualmente, DINA no tin mas e autorizacion pa publica un lista di personanan, kendenan tin proceso pendiente, locual ta bira un contratempo interno.

MUDAMENTO:

Un luna pasa e oficianan di

Visa, Naturalizacion y Matrimonionan Ficticio a muda pa Tanki Flip, esaki a haci cu ainda e departamentonan aki no a cuminsa traha di un forma optimal, ya cu ainda nan ta bezig cu instalacion di computernan y acomodacion di nan archivonan, Soemers a bisa.

A pesar di esaki, e departamento di Naturalizacion, a manifesta, a sigui traha riba e peticionnan bieu y riba esunnan nobo cu ta drenta.

CASONAN DEN CORTE:

Relaciona cu e procedimiento si un persona por lanta un caso contra DINA debi pa e hecho cu e no a haya su papelnan di naturalizacion a laga sa cu no ta asina cu un persona por haci esaki. A agrega cu DINA tin un procedimiento pa sigui y esaki ta mara na e forma di traha na

sigui les pag. 36

INDEXERING INTERNO!!



BEST DEAL

Tel: 5827100

(Pariba di Aruba Bank, Paradera)

BEST SHOPPING DEAL

Turibana Plaza

Tel: 5865455



Antena
Afl. 35,=